

# An Kapungawan sa Syudad na Mayong Droga

Kristian Sendon Cordero\*

I.

Daing girong an mga dahon—  
kun nararakdag ini huli sa labi-labing  
kapaoyan sa paghalat kan paros gikan sa Timog.  
Digdi, an madadangog na suriyaw minagikan  
sa darakulang martilyong nagrerelyibo sa pagtanos  
kan mga batbat sa mga bagòng pigtutugdok na edipisyo,  
halangkawon kisa sa mga puon.

II.

Nagdadalagan parating rikas an oras,  
Ta digdi, dai siya hahalaton kan bus  
o kan tren. Kaipuhan niyang mag-amay  
na magpila sa bangko, makanuod  
na gibuhon an gabos nin tamang pagsunod-sunod.  
Nagdadalagan na rikas an oras.  
Dai siya pwedeng mahuri ta parating halaba  
an pila kan gabos na naghahalat.

III.

Mayong droga sa syudad na ini. Buhay  
an karibay kan siisay man na magdara  
kan pinapangalad na bulong. Ulang

---

\* Correspondence address: Ateneo de Naga University Press, Ateneo Ave. Naga City 4400;  
Email: savagemindbookshop@gmail.com

sa progreso an droga. Dai ini nakakatabang  
sa pagkatawo asin sa estado. Mayong  
nangangata-ngata na magbalga kan tugon.  
Totoo man nanggad ta madaling nag-asenso  
an syudad na mayong droga: an mga tawo  
gabos naghihingowa na magtipon sa bangko,  
pinatanos an gabos kan gobyerno. Marigmat  
an lanob tanganing madaling masusog  
an siisay man na tampalasan. Asin nagdakul  
an saindang itinugdok na mga haralangkaw  
na edipisyoo, simbolo kan saindang marahay  
na etika nin paglapigot sa buhay. Alagad, kaining  
huring mga aldaw, may sarung drogang nadiskubre  
an kadaklan sa mga tawo. Nagpuon sana ini  
sa sarung lalaking dai naglangkaw an ranggo  
sa opisina, nagpuli sa iniistar na harong: 15th floor.  
Asin nagtugdon sa may bintana. Dai girong an mga dahon.  
Mayong duros.

## Melancholy in the City without Drugs

Translation by Marne Kilates\*

I.

The leaves make no noise—  
when these fall because of having been  
so bored from waiting for the wind from the South.  
Here, the loudest racket comes

---

\* Correspondence email: marnek2@gmail.com

from the big hammers taking turns straightening out  
the rebars and cables for the newly rising edifices  
rising taller than the trunks of trees.

## II.

Time is always in a hurry  
here, for neither bus nor train  
will wait. It must come very early  
to join the queue at the bank, learn  
to do everything in the right order.  
Time is always in a hurry,  
It cannot be late because the lines are always  
long among everyone who waits.

## III.

There are no drugs in this city. Pay  
with your life if you are caught with  
the forbidden stuff. A hindrance  
to progress, that's what drugs are. Does no good  
for the person or the state. No one  
may absentmindedly violate the prohibition.  
It is true that progress is quicker  
in the city without drugs: everyone  
strives to save something in the bank,  
the government straightens out everything.  
All walls are see-through so any transgressor  
may be caught in the act. And so the tall  
edifices rose and mushroomed, symbol  
of their virtuous life ethic. Still, these last few  
days, many among the people discovered  
a new drug. It started with a guy  
who wouldn't rise from the ranks in his  
office, who went home to his 15<sup>th</sup> floor condo.  
There he went straight to perch on the window sill.  
The leaves were still. There was no wind.